

Turcæ, Egyptij, Arabes, Hebræi, alijque. *Babylon* paullo supra Cairum ponitur a Bellonio, conspiciunturque adhuc splendorum ædificiorum ruina. Hic nunc est Christianorum pagus *Alexandria* nobilis olim & splendida urbs ab Alexandro magno in extremitate Maris mediterranei loco situq; pulcherrimo condita: Turcæ *Scanderiam* vocant. Straboni μέγιστον ἐμπορίον ὀνομαζέμεν, ubi τῶν βασιλέων βαρεὰ καὶ τὰ τέλη, id est preciosa-
rum mercium preciosa vectigalia: πάντοθεν παιδεύσεως ἐργαστήριον Nazianzeno, propter Scholam eruditam, fre-
quentem & celebrem, de qua apud Eusebium lib. v. cap. x. Deserta nunc & in ruderibus jacens majori ex par-
te Curtius & Ammianus scribunt, nullo fere die Alexandriæ Solem serenum non videri, propter Aerem perpe-
tuo ibi tranquillum. Alexandrinæ Ecclesiæ & Scholæ Doctores fuerunt *Clement*, qui Alexandrinus dicitur: *O-*
rigenes, *Ambrosius*, item *Diaconus*. Alexandrini etiam fuerunt *Philo Iudeus* doctissimus, ac in lingua Græca
eloquentissimus: *Cyrillus*; *Didymus* è parentibus cæcus, D. Hieronymi Præceptor; *Appion* Grammaticus
Polyhistor. Gellio; *Appianus* Historicus; *Didymus* Grammaticus, qui Ciceronis ætate vixit, & tria millia &
quingenta volumina conscripsisse a Suida proditur; *Achilles Statius*; & *Claudius Ptolemaus* Princeps Mathema-
ticorum. *Pelusium* hodie vocant *Damiatam*, urbs est potens, opulenta, commodo Portu & navium frequen-
tia celebris, ad Nili Ostium Pelusiacum. Regio hæc fluvio Nilo totius Orbis nobilissimo leatur, irrigatur, *Flumen Nilus.*
ac fecundissima redditur. Ortum notavit Rex Iuba in Monte Inferioris Mauritanie non procul Oceano ha-
bere, Lacu protinus stagnante, quem aiunt vocare *Nilidem*. Alijs alia mens est. Ex hoc Lacu profusus longo
cursu varias Regiones & squallentia arenis loca percurrit: postea multas efficit Insulas, quarum clarissima est
Meroe, a qua quartus Parallelus Ptolemaicus nomen accepit: eius ramum dexterum dicit Plinius vocari *A-*
stusapen, lævum *Astaborem*, nec ante vocari Nilum, quam se totum Aquis concordibus denique junxerit. Tan-
dem inclusis Montibus, torrentibus & properantibus Aquis ad locum vehitur, qui *Catadupa* vocatur: ibi in-
ter occurrentes scopulos non fluere, sed præceps cataraete ruere creditur, tanto fragore, ut auditum Adcolis
auferat. Ditionis Egypti esse incipit a fine Ethiopie Syene. Post efficit illud Græcorum Delta, & divisus in O-
stia se in Mare exonerat. Ostia hodie sunt quatuor, quorum duo navigabilia. *Pelusiacum* ubi *Damiata*, & *Ca-*
nopicum sive *Heracleoticum*, ubi Rosettum. Certis etiam diebus auctu magno per totam spatiosum Egyptum fec-
cundus innatat terræ, pluviarum inopiam compensans. Initium est v. 1. Iunij; finis post diem quadragesimum,
non post centesimum, ut scribit Herodotus. Major autem lætitia gentibus quo minus terrarum suarum vi-
dent; nam quæ inundantur sunt fertilissima, cetera sterilia, & quo altior Nilus, eo solum fecundius. Auctus
ejus per puteos mensuræ notisprehenduntur. Sed hæc hæc hactenus, ad reliquas Tabulas transeamus.

Eccc

PARS